



Inatsisartunut ilaasortaq Hans Enoksen, Siumut
Inatsisartut
/MAANI

Angallatinut 6 miiteri sinnerlugu angissusilinnut qaleralinnut pisassiissutit pil-lugit § 37 malillugu apeqquteqaat nr. 2012-209-mut akissutit

Inatsisartut suleriaasianni § 37, imm. 1 naapertorlugu angallatit 6 miiteri sinnerlugu angissusilinnut qaleralinnut pisassiissutit allat saniatigut pisassiissutit pillugit apeqqu-teqaat saqqummiussimavat. Apeqquteqaat uannut akisassanngorlugit innersuusutigineqarsimavoq.

Apeqquut:

Qaleralinniarnermi pisassat tamakkerneqarnerini assersuutigalugu umiatsiaararsortut pisassaat tamakkerneqarput pisasseqqinneqarlutillu, tamanna ajunngillunnarpoq aam-mami taamaattariaqarmat. Ukuli umiatsiat assersuutigalugu Q21 umiatsiaaqaniit an-neruallaanngitsut pisassaarutereersut aammalu angallatit allat tonsinik ikittuinnarnik pisassinneqarlutik pisassaarutereersut pisasseqqinniarneqarpaat?

Akissutit:

Angallatinut 6 miiteri sinnerlugu angissusilinnut suli qaleralinnut pisassiissusiinissaq pil-lugu apeqquternut tunngatillugu, Naalakkersuisut taakkuninnga qaffaassallutik siuner-taqanngillat. Soorlu naluneqanngitsoq tassa 2012-mi angallatit ukiuni kingullerni pinga-suni tulaassarimasaaat tunngaviliullugit pisassiissutinit nammineq pigisanit ukiumoortu-nik annertussusilerikkani pisassiissutinik tapertalinnik tunineqarput. Ataatsimiititaliap, tassaasup aalisarnermi peqataasartut sinniisuinit Naalakkersuisoqarfimmiillu pisassiis-sutinik agguanneqarsimasunik aaqqiinissamut siunnersuut misissorsimavaat, Naalak-kersuisullu ataatsimiititaliap aalajangiussai ataqqivaa. Taarsiulluguli angallatinik pigin-nittunut pisassiissutiminnik tamakkerlugit aalisarsimasunut allanit pisassiissutinik anner-tussusilerikkani amerlanerusunik pisinissaannut kajumissaarinniinnarsinnaavunga. Pe-riarfissaq taanna angallataatilippassuit atoreersimavaat, tamannalu uanga ajunngitsutut isigaara.

Taamaattorli sinerissamut qanittumi qaleralinniarnep iluani maannakkut ajornartorsiu-taasut eqqumaffigaakka. Taamaattumillu suleqatigiisitamik pilersitsisoqarsimavoq, qa-noq politikikkut aalajangikkap killigititaasut iluini siunissami qaleralinniarnermik pitsan-ngorsaasoqarsinnaanera pillugu siunnersuummik saqqummiussinissaq kingusinner-paamik 2012-mi novembarip qeqqani pissaaq. Suleqatigiisitat qaleralinniarnermut attuu-massuteqartunit peqataasartunit tamanit peqataaffigineqarput, taakkununnga ilaatigut ilaallutik KNAFK, Qaasuitsup Kommunia, GA, SIK-lu. Naatsorsuutigaara, suleqatigiisitat siunnersuutinik kinguneqartussanik arlalinn-ik saqqummiussiumaartut, taakkulu aappaa-guminngaanniit nammineq najukkami aalisartunut iluaqutaalissasut.

Inussiarnersumik inuulluaqqusillunga

Ane Hansen

28-09-2012
Suliap nr. 2012-073648
All.Upp.nr. 1020072

Postboks 269
3900 Nuuk
Oqa. (+299) 34 50 00
Allak (+299) 34 63 55
E-mail: apnn@nanoq.gl
www.nanoq.gl